



文萃
15
59



12
3095
4



門 912
號 3095
卷 6

駿河安水限之
醫至華井授宗
音羊號百區倉
藥品圖書印章

周禮卷十六



漢大司農北海鄭玄註

皇明後學東吳葛藁訂

司徒教官之職

旅師掌聚野之勸粟屋粟間粟

野謂遠郊之外也勸粟民相助作一井之中所出九夫之稅粟也屋粟民有田不耕所罰三夫之稅粟間粟間民無職事者所出一夫之征粟

而用之以質劑致民平頒其興積施其惠散其利而均其政令

而讀為若聲之誤也若用之謂恤民之艱阨委積於野如遺人於鄉里也以質劑致民案入稅者各會而貸之興積所興之積

周禮

卷十六

司徒教官之職

一

家藏

謂三者之粟也。平頒之，不得偏頗。頗有多少，少縣官徵聚物曰興，令云軍興是也。是粟縣師徵之，旅師斂之，而用之，以調衣食曰惠。以作事業曰利，均其政令者，皆以國服為之息。○積子賜反。

凡用粟春頒而秋斂之。

困時施之，饒時收之。

凡新阡之治，皆聽之，使無征役，以地之媿惡為之等。

新阡，新徙來者也。治，謂有所求乞也。使無征役，復之也。王制曰：自諸侯來徙，家期不從政，以地美惡為之等。七人以上，授以上地，六口授以中地，五口以下，授以下地，與舊民同。旅師掌斂地稅，而又惠施散利，是以屬用新民焉。○復音福。

稍人掌令丘乘之政令。

丘乘，四丘為甸，甸讀與維禹敷之之隙同。其訓曰乘，由是改云。是掌令都鄙修治井邑丘甸縣都之溝涂。云丘甸者，舉中言之。

溝涂之人名，并別邑異，則民之家數存焉。

若有會同師田行役之事，則以縣師之灋作其同徒輦輦，帥而以至，治其政令，以聽於司馬。

有軍旅會同田役之戒，縣師受灋於司馬。邦國都鄙稍甸郊里，唯司馬所調，以其灋作其衆庶及馬牛車輦，會其車人之卒伍，使皆備旗鼓兵器以帥而至，是以書令之取其所調若在家邑。小都大都則稍人用縣師所受司馬之灋作之，帥之以致於司馬也。同徒，司馬所調之同，凡用役者不必一時，皆徧以人數調之，使勞逸遞焉。○輦居錄反，調徒弔反，遞徒禮反。

大喪，帥蜃車與其役，以至，掌其政令，以聽於司徒。

蜃車及役，遂人共之。稍人者，野監，是以帥而致之。既夕禮曰：既正柩，賓出，遂匠納車于階間，則天子以至，于士柩路皆從，遂來。

委人掌斂野之賦，斂薪芻，凡疏材木材，凡畜聚之物。

野謂遠郊以外也。所斂野之賦謂野之園圃山澤之賦也。凡疏材草木有實者也。凡畜聚之物瓜瓠葵芋禦冬之具也。野之農賦旅師斂之工商嬪婦遂師以入王府其牧則遂師又以共野牲。○畜勅六反芋于附反。

以稍聚待賓客。以甸聚待羈旅。
聚凡畜聚之物也故書羈作奇杜子春云當為羈

凡其余聚以待頒賜。
余當為餘聲之誤也餘謂縣都畜聚之物

以式灋共祭祀之薪蒸木材。賓客共其芻薪。喪紀共其薪蒸木材。

軍旅共其委積。薪芻凡疏材共野委兵器與其野圃財用。
式法故事之多少也薪蒸給炊及燎麤者曰新細者曰蒸木材給張事委積薪芻者委積之薪芻也軍旅又有疏材以助禾粟

野委謂廬宿止之薪芻也。其兵器謂守衛陳兵之器也。野圃之財用者苑圃藩籬之材。○蘿音羅。

凡軍旅之賓客館焉。
館舍也必舍此者就牛馬之用

王均掌平土地之政。以均地守。以均地事。以均地貢。

以和邦國都鄙之政。令刑禁。與其施舍。禮俗喪紀祭祀。皆以地燾。

惡為輕重之灋而行之。掌其禁令。
政讀為征所平之稅邦國都鄙也地守虞衡之屬地事農圃之職地貢諸侯之九貢

施讀為弛也。禮俗邦國都鄙民之所行先王舊禮也。君子行禮不求變俗隨其土地厚薄為之制。豐省之節耳。禮器曰禮也者。合於天時設於地財順於鬼神合於人心理於萬物。

草人掌土化之瀆以物地相其宜而為之種。

土化之瀆化之使美若汜勝之術也以物地占其形色為之種黃白宜以種禾之屬○相息亮反汜音凡

凡糞種駢剛用牛赤緹用羊墳壤用麋渴澤用鹿鹹瀉用豕勃壤

用狐埴墟用豕疆藥用蕢輕輿用犬

凡所以糞種者皆謂煮取汁也赤緹線色也渴澤故水處也瀉鹵也豕豕也勃壤粉解者埴墟黏疏者疆藥疆堅者輕輿輕脆也鄭司農云用牛以牛骨汁漬其種也謂之糞種墳壤多豕鼠也壤白色蕢麻也玄謂墳壤潤解○緹音抵麋音眉瀉音昔豕呼九反埴時力反墟音盧藥呼覽反蕢扶云反輿孚照反線七絹反豕豕宅官反豕符豕反

稻人掌稼下地

以水澤之地種穀也謂之稼者有似嫁女相生

以豬畜水以防止水以溝蕩水以遂均水以列舍水以澮寫水以

涉楊其芟作田

鄭司農說豬防以春秋傳曰町原防規偃豬以列舍水列者非一道以去水也以涉楊其芟以其水寫故得行其田中舉其芟鉤也杜子春讀蕩為和蕩謂以溝行水也玄謂偃豬者畜流水之陂也防豬旁隄也遂田首受水小溝也列田之畦畦也澮田尾去水大溝作猶治也開遂舍水於列中因涉之楊去前年所芟之草而治田種稻○列祿計反芟所銜反町徒頂反去起呂反畦劉音圭呼音劣

凡稼澤夏以水珍草而芟莫之

珍病也絕也鄭司農說芟夷以春秋傳曰芟夷蕞崇之今時謂禾下麥為黃下麥言芟刈其禾於下種麥也玄謂將以澤地為

甸禮

卷七司徒教官之職

四

永懷堂

稼者必於夏六月之時大雨時行以水病絕草之後生者至秋水涸芟之明年乃稼○黃音蓋紆粉反

澤草所生種之芒種

鄭司農云澤草之所生其地可種芒種芒種稻麥也○芒種章勇反注同

早曠其其雩斂

稻人其雩斂稻急水者也鄭司農云雩事所發斂○曠呼且反

喪紀其其葦事

葦以闡壙禦濕之物○闡音因

王訓掌道地圖以詔地事

道說也說地圖九州形勢山川所宜告王以施其事也若云荆楊地宜稻幽并地宜麻

道地憲以辨地物而原其生以詔地求

地憲若瘡蠱然也辨其物者別其所有所無原其生有時也以此二者告王之求也地所無及物未生則不求也鄭司農云地憲地所生惡物害人者若虺蝮之屬○虺孚目反

王巡守則夾王車

巡守行視所守也天子以四海為守○行下孟反

誦訓掌道方志以詔觀事

說四方所識久遠之事以告王觀博古所識若魯有大庭氏之庫穀之二陵

掌道方憲以詔辟忌以知地俗

方憲四方言語所惡也不避其忌則其方以為苟於言語也知地俗博事也鄭司農云以詔避忌不違其俗也曲禮曰君子行

禮不求變俗。辟音避。注同惡鳥路反。

王巡守則夾王車。

山虞掌山林之政令。物為之厲而為之守禁。

物為之厲。每物有蕃界也。為之守禁。為守者設禁令也。守者謂其地之民占伐林木者也。鄭司農云。厲。遮列守之。為守者。丁反。偽。

仲冬斬陽木。仲夏斬陰木。

鄭司農云。陽木。春夏生者。陰木。秋冬生者。若松柏之屬。玄謂陽木。生山南者。陰木。生山北者。冬斬陽。夏斬陰。堅濡調。濡。咸如。竟反。又音柔。

凡服耜。斬季材。以時入之。

季。猶穉也。服。與耜。宜用穉材。尚柔。忍也。服。牝服車之材。

令萬民時斫材。有期日。

時。斫材。斫材之時也。有期日。入出有日數。為久盡物。

凡邦工入山林而掄材。不禁。

掄。猶擇也。不禁者。山林國之有。不拘日也。

春秋之斫木。不入禁。

非冬夏之時。不得入所禁之。中斫木也。斫。四野之木可。

凡竊木者。有刑罰。

竊。盜也。

若祭山林則為主而修除且蹕。

為主主辦護之也。脩除治道路場壇。

若大田獵則萊山田之野及弊田植虞旗于中致禽而珥焉。

萊除其草萊也。弊田田者止也。植猶樹也。田上樹旗令獲者皆致其禽而校其耳以知獲數也。山虞有旗以其主山得畫熊虎其刃數則短也。鄭司農云珥者取禽左耳以効功也。大司馬職曰獲者取左耳。珥如志反又音耳。

林衡掌巡林麓之禁令而平其守。

平其守者平其地之民守林麓之部分。麓音鹿分扶問反。

以時計林麓而賞罰之。

計林麓者計其守之功也。林麓蕃茂民不竊盜則有賞不則罰之。

若斬木材則受灋于山虞而掌其政令。

灋萬民入州時日之期。

川衡掌巡川澤之禁令而平其守。以時舍其守。犯禁者執而誅罰之。

舍其守者時察視守者於其舍申戒之。

祭祀賓客共川奠。

川奠邊豆之實魚鱸蜃蛤之屬。奠音奠鱸所留反。

澤虞掌國澤之政令為之厲禁使其地之人守其財物以時入之于王府。頒其餘于萬民。

周禮

卷之六 司徒教官之職

七

永懷堂

其地之人占取澤物者因以部分使守之以時入之于王府謂皮角珠貝也入之以當邦賦然後得取其餘以自爲也入出亦有時日之期○當丁浪反爲于爲反

凡祭祀賓客其澤物之奠。

澤物之奠亦薏豆之實芹菲菱芡之屬○菲音卯菱音陵芡音險

喪紀共其葦蒲之事。

葦以闔壙蒲以爲席

若大田獵則萊澤野及弊田植虞旌以屬禽。

屬禽猶致禽而珥焉澤虞有旌以其主澤澤鳥所集故得注析羽

迹人掌邦田之地政爲之厲禁而守之。

田之地若今苑也

凡田獵者受令焉。

今謂時與處也

禁麇卵者與其毒矢射者。

爲其天物且害必多也麇麋鹿子○麇音迷卵力管反

尹人掌金玉錫石之地而爲之厲禁以守之。

錫銅也○卬革猛反又號猛反銅以忍反

若以時取之則物其地圖而授之。

物地占其形色知鹹淡也授之教取者之處

司徒教官之職

巡其禁令。

行其禁明其令。

角人掌以時徵齒角凡骨物於山澤之農以當邦賦之政令。

山澤出齒角骨物大者犀象其小者麋鹿

以度量受之以其財用。

骨入漆浣者受之以量其餘以度度所中。○浣戶翫反度度上如字下待洛反

羽人掌以時徵羽翮之政于山澤之農以當邦賦之政令。

翮羽本。○翮戶革反

凡受羽十羽為審百羽為搏十搏為縛。

審搏縛羽數束名也爾雅曰一羽謂之箴十羽謂之縛百羽謂之緝其名音相近也一羽有名蓋失之矣

掌葛掌以時徵絺綌之材于山農凡葛征徵草貢之材于澤農以

當邦賦之政令。

草貢出澤藟紵之屬可緝績者。○藟苦迥反

以權度受之。

以知輕重長短也故書受或為授杜子春云當為受

掌染草掌以春秋斂染草之物。

染草茅蒐棗蘆豕首紫蒨之屬。○蒨音列

以權量受之以待時而頒之。

權量以知輕重多少時染夏之時

掌炭掌灰物炭物之徵令以時入之。

灰炭皆山澤之農所出也灰給澣練炭之所共多

以權量受之以共邦之用凡炭灰之事。

掌茶掌以時聚茶以共喪事。

共喪事者以著物也既夕禮曰茵著用茶

徵野疏材之物以待邦事凡畜聚之物。

茶茅莠疏材之類也因使掌焉徵者徵於山澤入於委人○畜勑六反

掌蜃掌斂五物蜃物以共闡壙之蜃。

五物蚌蛤之屬闡猶塞也將井棹先塞下以蜃禦濕也鄭司農說以春秋傳曰始用蜃炭言僭天子也○蚌蒲項反

祭祀共蜃器之蜃。

節祭器之屬也鬯人職曰凡四方山川用蜃器春秋定十四年秋天王使石尚來歸蜃蜃之器以蜃飾因名焉鄭司農云蜃可令色白

共白盛之蜃。

盛猶成也謂飾牆使白之蜃也今東萊用蛤謂之又灰云

囿人掌囿游之獸禁。

囿游囿之離宮小苑觀處也養獸以宴樂視之禁者其蕃衛也鄭司農云囿游之獸游牧之獸○觀古亂反樂音洛

牧百獸。

備養衆物也。今掖庭有鳥獸自熊虎孔雀至於狐狸鳧鶴備焉。

祭祀喪紀賓客。共其生獸。死獸之物。

場人掌國之場圃。而樹之果蓏珍異之物。以時斂而藏之。

果棗李之屬。越瓜瓠之屬。珍異。蒲萄。枇杷之屬。○枇。蒲黎反。杷。白加反。

凡祭祀賓客。共其果蓏。享亦如之。

享。納牲。

廩人掌九穀之數。以待國之匪頒。調賜稍食。

匪。讀爲分。分頒。謂委人之職。諸委積也。調賜。謂王所賜子給好用之式也。稍食。祿廩。○食音嗣。注同。好。呼報反。

以歲之上下數邦用。以知足否。以詔穀用。以治年之凶豐。

數。猶計也。○上時掌反。

凡萬民之食。食者人四鬴。上也。人三鬴。中也。人二鬴。下也。

此皆謂一月食米也。六斗四升曰鬴。

若食不能人二鬴。則令邦移民。就穀。詔王殺邦用。

就穀。就鄰鄙之有者。殺猶減也。○殺所界反。

凡邦有會同師役之事。則治其糧與其食。

行道曰糧。謂糒也。止居曰食。謂米也。○糒音備。

大祭祀。則共其接盛。

接。讀爲一。扱。再祭之扱。扱以授。春人春之。大祭祀之穀藉田之收。藏於神倉者也。不以給小用。○扱初洽反。

周禮 卷之五 大司馬 第五 掌平宮中之政。分其財守。以灋掌其出入。

政謂用穀之政也。分其財守者。計其用穀之數。分送宮正內宰使守而頒之也。而行出於廩人。其有空缺則計之還入。

凡祭祀其簠簋實之陳之

方曰簠。圓曰簋。盛黍稷稻粱器。

賓客亦如之。其其禮車米管米芻禾。

禮致饗餼之禮。

喪紀其飯米熬穀。

飯所以實口。不忍虛也。君用梁。大夫用稷。士用粱。皆四升。實者唯盈熬穀者。錯于棺旁。所以惑蚍蜉也。喪大記曰。熬君四種八筐。大夫三種六筐。士二種四筐。加魚腊焉。○飯扶晚反。錯七故反。毗鼻夷反。蜉音孚。種章勇反。下同。

以歲時縣種。種之種。以共王后之春獻種。

縣之者。欲其風氣燥達也。鄭司農云。春王當耕于藉。則后獻其種也。后獻其種。見內宰職。○縣音玄。種。直龍反。下音桂。

掌米粟之出入。辨其物。

九穀六米。別為書。

歲終則會計其政。

政用穀之多少。

倉人掌粟入之藏。

九穀盡藏焉。以粟為主。

辨九穀之物。以待邦用。若穀不足。則止餘灋用。有餘。則藏之。以待

同禮

卷之五 司徒教官之職

上

承襲堂

凶而頒之。

主猶殺也殺餘瀆用謂道路之委積所以豐優賓客之屬

凡國之大事共道路之穀積食飲之具。

大事謂喪戎

司祿

闕

司稼掌巡邦野之稼而辨種陸之種周知其名與其所宜地以為灋而縣于邑閭。

周猶徧也徧知種所宜之地縣以示民後年種穀用為灋也○種章勇反

巡野觀稼以年之上下出斂灋。

斂灋者豐年從正凶荒則損若今十傷二三實除減半

掌均萬民之食而調其急而平其興。

均謂度其多少調稟其艱阨與所徵賦

春人掌共米物。

米物言非一米

祭祀共其盥盛之米。

盥盛謂黍稷稻粱之屬可盛以為簠簋實

賓客共其牢禮之米。

謂可以實簠簋

凡饗食共其食米

饗有食米則饗禮兼燕與食

掌凡米事

饌人掌凡祭祀共盛

炊而共之

共王及后之六食

六食六穀之飯

凡賓客共其簠簋之實

謂致殯饗

饗食亦如之

冢人掌其外內朝宀食者之食

外朝司寇斷獄弊訟之朝也今司徒府中有百官朝會之殿云天子與丞相舊決大事焉是外朝之存者與內朝路門外之朝也宀食者謂留治文書若今尚書之屬諸直上者

若饗耆老孤子士庶子共其食

士庶子卿大夫士之子弟宿衛王宮者

掌黍祭祀之犬

養犬豕曰豢不於饌人言其共至尊雖其潘瀟或餘不可褻也

周禮卷十六終

惟王辨方正位體國經野設官分職以為民極乃立春官宗伯使帥其屬而掌邦禮以佐王和邦國

周禮卷十七

漢大司農北海鄭玄註

皇明後學東吳金蟠訂

春官宗伯第三

惟王辨方正位體國經野設官分職以為民極乃立春官宗伯使帥其屬而掌邦禮以佐王和邦國

禮謂曲禮五吉凶賓軍嘉其別三十有六鄭司農云宗伯主禮之官故書堯典曰帝曰咨四岳有能典朕三禮僉曰伯夷帝曰兪咨伯汝作秩宗宗官又主鬼神故國語曰使各姓之後能知四時之生犧牲之物玉帛之類采服之宜彝器之量次主之度屏攝之位壇場之所上下之神祇氏姓之所出而率舊典者為之宗春秋禘于大廟躋僖公而傳曰夏父弗忌為宗人又曰使

宗人舉夏獻其禮禮特牲曰宗人升自西階視壺濯及豆邊然則唐虞歷三代以宗官典國之禮與其祭祀漢之大常是也○大廟音泰 豐虎觀反

禮官之屬。大宗伯。卿一人。小宗伯。中大夫二人。肆師。下大夫四人。

上士八人。中士十有六人。旅。下士三十有二人。府六人。史十有二

人。胥十有二人。徒百有二十人。

肆猶陳也。肆師佐宗伯陳列祭祀之位及牲器黍盛

鬱人。下士二人。府二人。史一人。徒八人。

鬱鬱金香草宜以和鬯

鬯人。下士二人。府一人。史一人。徒八人。

鬯釀秬為酒芬香條暢於上下也。秬如黑黍一稔二米。○秬其許反稔音孚

雞人。下士一人。史一人。徒四人。

司尊彝。下士二人。府四人。史二人。胥二人。徒二十人。

彝亦尊也。鬱鬯曰彝彝灋也言為尊之灋也

司几筵。下士二人。府二人。史一人。徒八人。

筵亦席也。鋪陳曰筵藉之曰席然其言之筵席通矣

天府。上士一人。中士二人。府四人。史二人。胥二人。徒二十人。

府物所藏言天者尊此所藏若天物然

典瑞。中士二人。府二人。史二人。胥一人。徒十人。

司豐

卷二 宗伯禮官之屬

二

禮記

瑞節信也典瑞若今符璽郎

典命中士二人府二人史二人胥一人徒十人

命謂王遷秩羣臣之書

司服中士二人府二人史一人胥一人徒十人

典祀中士二人下士四人府二人史二人胥四人徒四十人

守祧奄八人女祧每廟二人奚四人

遠廟曰祧周為文王武王廟遷主藏焉奄如今之宦者女祧女奴有才知者天子七廟三昭三穆奚女奴也○為于偽反知音

世婦每宮卿二人下大夫四人中士八人女府二人女史二人奚

十有六人

世婦后宮官也王后六宮漢始大長秋詹事中少府大僕亦用士八人女府女史女奴有才智者○少詩照反

內宗凡內女之有爵者

內女王同姓之女謂之內宗有爵其嫁於大夫及士者凡無常數之言

外宗凡外女之有爵者

外女王諸姑姊妹之女謂之外宗

冢人下大夫二人中士四人府二人史四人胥十有二人徒百有

二十八

冢封土為丘隴象冢而為之

墓大夫下大夫二人中士八人府二人史四人胥二十人徒二百人。

墓家塋之地孝子所
思慕之處。○塋音營

職喪上士二人中士四人下士八人府二人史四人胥四人徒四
十人。

職主
也。

大司樂中大夫二人樂師下大夫四人上士八人下士十有六人
府四人史八人胥八人徒八十人。

大司樂樂官之長。○
長丁丈反後皆放此

大胥中士四人小胥下士八人府二人史四人徒四十人。

胥有才知之稱禮記文王世
子曰小樂正學于大胥佐之。

大師下大夫二人小師上士四人瞽矇上瞽四十人中瞽百人下
瞽百有六十人眡矇三百人府四人史八人胥十有二人徒百有
二十人。

凡樂之歌必使瞽矇為焉命其賢知者以為大師小師胥杜翮
云曠也大師也眡讀為虎眡之眡矇目明者鄭司農云無目朕
謂之瞽有目朕而無見謂之矇
有目無眸子謂之矇。○眡音視

典同中士二人府一人史一人胥二人徒二十人。

同陰律也不以陽律各官者因其先言耳書曰協時
月正日同律度量衡大師職曰執同律以聽軍聲。

磬師中士四人下士八人府四人史二人胥四人徒四十人

鐘師中士四人下士八人府二人史二人胥六人徒六十人

笙師中士二人下士四人府二人史二人胥一人徒十人

鐃師中士二人下士四人府二人史二人胥二人徒二十人

鐃如鍾而大
○鐃音博

鞀師下士二人府一人史一人舞者十有六人徒四十人

鄭司農說以明堂位曰鞀東夷之樂讀如味飲食之味杜子春讀鞀為殊莖莖著之殊玄調讀如鞀鞀之鞀○鞀莫拜反殊莫戒反又音味莖直基反著直居反鞀古洽反

旄人下士四人舞者衆寡無數府二人史二人胥二人徒二十人

旄旄牛尾舞者所持以指麾

籥師中士四人府二人史二人胥二人徒二十人

籥舞者所吹春秋宣八年壬午猶繹萬人去籥傳曰去其有聲者廢其無聲者詩云左手執籥右手秉翟○去起呂反

籥章中士二人下士四人府一人史一人胥二人徒二十人

籥章吹籥以為詩章

鞀鞀氏下士四人府一人史一人胥二人徒二十人

鞀讀如屨也鞀屨四夷舞者所屣也今時倡蹋鼓者行者自有屣○鞀丁兮反鞀九具反蹋徒臘反

典庸器下士四人府四人史二人胥八人徒八十人

庸功也鄭司農云庸器有功者鑄器銘其功春秋傳曰以所得於齊之兵作林鍾而銘魯功焉

司于下士二人。府二人。史二人。徒二十人。

干，舞者所持，謂楯也。春秋傳曰：萬者何干舞也。○楯，食允反。

大卜下大夫二人。卜師上士四人。卜人中士八人。下士十有六人。府二人。史二人。胥四人。徒四十人。

問龜曰卜，大卜，卜筮官之長。

龜人中士二人。府二人。史二人。工四人。胥四人。徒四十人。

工，取龜攻龜。

蕪氏下士二人。史一人。徒八人。

蕪，煖用荆蕪之類。○蕪，時髓反。煖，哉灼反。煖，音俊。

占人下士八人。府一人。史二人。徒八人。

占，著龜之卦兆吉凶。

箬人中士二人。府一人。史二人。徒四人。

問著曰筮，其占易。

占夢中士二人。史二人。徒四人。

眠祝中士二人。史二人。徒四人。

祝，陰陽氣相侵漸成祥者。魯史梓慎云：吾見赤黑之祝。○祝，子鳩反。

大祝下大夫二人。上士四人。小祝中士八人。下士十有六人。府二人。史四人。胥四人。徒四十人。

司禮

卷七

宗伯禮官之屬

六

承讓堂

大祝祝官之長

喪祝上士二人中士四人下士八人府二人史二人胥四人徒四十八人

甸祝下士二人府一人史一人徒四人

甸之言田也田狩之祝○甸音電

詛祝下士二人府一人史一人徒四人

詛謂祝之使沮敗也○詛側慮反祝之又反

司巫中士二人府一人史一人胥一人徒十人

司巫巫官之長

男巫無數女巫無數其師中士四人府二人史四人胥四人徒四十人

巫能制神之處位次主者

大史下大夫二人上士四人小史中士八人下士十有六人府四人史八人胥四人徒四十人

大史史官之長

馮相氏中士二人下士四人府二人史四人徒八人

馮來也相視也世登高臺以視天文之次序天文屬大史月令曰乃命大史守典奉灋司天日月星辰之行宿離不貸○馮音憑相息亮反

保章氏中士二人下士四人府二人史四人徒八人。

保守也世守天文之變

內史中大夫一人下大夫二人上士四人中士八人下士十有六人府四人史八人胥四人徒四十人。

外史上士四人中士八人下士十有六人胥二人徒二十人。

御史中士八人下士十有六人其史百有二十人府四人胥四人徒四十人。

御猶侍也進也其史百有二十人以掌贊書人多也

巾車下大夫二人上士四人中士八人下士十有六人府四人史

八人工百人胥五人徒五十人。

巾猶衣也巾車車官之長○衣於旣反

典路中士二人下士四人府二人史二人胥二人徒二十人。

路王之所乘車

車僕中士二人下士四人府二人史二人胥二人徒二十人。

司常中士二人下士四人府二人史二人胥四人徒四十人。

司常主玉旌旗

都宗人上士二人中士四人府二人史四人胥四人徒四十人。

都謂王子弟所封及公卿所食邑

禮

卷上二宗伯禮官之屬

八

承慶堂

家宗人如都宗人之數。

家謂大夫所食采邑

凡以神士者無數以其藝為之貴賤之等。

以神士者男巫之俊有學問才知者藝謂禮樂射御書數高者為上士次之為中士又次之為下士

周禮卷十七終

周禮卷十八

漢大司農北海鄭玄註

皇明後學東吳葛鼎訂

宗伯禮官之職

大宗伯之職掌建邦之天神人鬼地示之禮以佐王建保邦國。

建立也立天神地祇人鬼之禮者謂祀之祭之享之禮吉禮是也保安也所以佐王立安邦國者主謂凶禮賓禮軍禮嘉禮也目吉禮於上承以立安邦國者互以相成明尊鬼神重人事○示音祗本或作祗下神示地示皆倣此

以吉禮事邦國之鬼神示

專謂祀之祭之享之故書吉或為告杜子春云書為告禮者非是當為吉禮書亦多為吉禮吉禮之別十有二

以禋祀祀昊天上帝。以實柴祀日月星辰。以槱燎祀司中司命。觀師兩師。

禮之言煙。周人尚臭。煙氣之臭聞者。槱積也。詩曰。芼芼棫樸。薪之槱之。三祀皆積柴實牲體焉。或有玉帛燔燎而升煙。所以報陽也。鄭司農云。昊天。天也。上帝。玄天也。昊天上帝。樂以雲門。實柴。實牛柴上也。故書實柴。或為賓柴。司中。三能三階也。司命。文昌宮星。風師。箕也。雨師。畢也。玄謂昊天上帝。冬至於圓丘。所祀天皇大帝星。謂五緯辰。謂日月所會十二次。司中。司命。文昌第五第四星。或曰。中能。上能也。祀五帝亦用實柴之禮云。○

以血祭祭社稷。五祀五嶽。以狸沈祭山林川澤。以醢辜祭四方百物。

不言祭地。此皆地祇。祭地可知也。陰祀自血。起貴氣臭也。社稷土穀之神。有德者配食焉。共工氏之子曰句龍。食於社。有厲山

氏之子曰柱。食於稷。湯遷之而祀棄。故書祀作禋。禋為罷。鄭司農云。禋當為祀。書亦或作祀。五祀。五色之帝。於王者宮中。曰五祀。罷。棄。披磔牲以祭。若今時磔狗。祭以止風。玄謂此五祀者。五官之神。在四郊。四時迎五行之氣。於四郊。而祭五德之帝。亦食此神焉。少昊氏之子曰重。為句芒。食於木。該為蓐收。食於金。脩及熙。為玄冥。食於水。顓頊氏之子曰黎。為祝融。后土。食於火。土五嶽。東曰岱宗。南曰衡山。西曰華山。北曰恒山。中曰嵩高山。不見四竇者。四竇。五嶽之匹。或省文。祭山林曰埋。川澤曰沈。順其性之含藏。醢。醢牲胷也。醢而磔之。謂磔攘及蜡祭。郊特牲曰。八蜡以祀四方。四年不順成。八蜡不通。以謹民財也。又曰。蜡之祭也。主先嗇而祭。司嗇也。祭百種。以報嗇也。饗農及郵表。啜禽獸仁之至。義之盡也。○狸。亡皆反。醢。孚。逼反。共音恭。句。古侯反。禋音禋。罷。芳皮反。磔。張格反。食。此音嗣。重。直龍反。磔。攘如羊反。蜡。七詐反。種。章勇反。啜。音綴。

以肆獻裸享先王。以饋食享先王。以祠春享先王。以禴夏享先王。以嘗秋享先王。以烝冬享先王。

禮記 卷九 宗伯禮官之職 二 禴 禴

宗廟之祭有此六享肆獻禋饋食在四時之上則是禘也禘也肆者進所解牲體謂薦熟時也獻獻醴謂薦血腥也禋之言灌灌以鬱鬯謂始獻尸求神時也郊特牲曰魂氣歸于天形魄歸于地故祭所以求諸陰陽之義也殷人先求諸陽周人先求諸陰灌是也祭必先灌乃後薦腥薦熟於禘逆言之者與下共文明六享俱然禘言肆獻禋禘言饋食者著有黍稷互相備也魯禮三年喪畢而禘於大祖明年春禘於羣廟自爾以後率五年而再殷祭一禘一禘○肆他歷反解骨體禘古亂反率五音律

以凶禮哀邦國之憂

哀謂救患分災凶禮之別有五

以喪禮哀死亡

哀謂親者服焉疏者舍禘○舍戶暗反禘音遂

以荒禮哀凶札

荒謂親者服焉疏者舍禘○舍戶暗反禘音遂

荒人物有害也曲禮曰歲凶年穀不登君膳不祭肺馬不食穀馳道不除祭事不縣大夫不食梁士飲酒不樂札讀為截謂疫厲○縣音玄

以弔禮哀既裁

弔裁謂遭水火宋大水魯莊公使人弔焉曰天作淫雨害於衆盛如何不弔廐焚孔子拜鄉人爲火來者拜之士一大夫再亦相弔之道○爲火于僞反

以禴禮哀圍敗

同盟者會合財貨以更其所喪春秋襄三十年冬會于澶淵宋裁故是其類○禴古外反更音庚喪息浪反澶善然反

以恤禮哀寇亂

恤憂也鄰國相憂兵作於外爲寇作於內爲亂

以賓禮親邦國

親謂使之相親附
賓禮之別有八

春見曰朝。夏見曰宗。秋見曰覲。冬見曰遇。時見曰會。殷見曰同。

此六禮者以諸侯見王為文。六服之內四方以時分來。或朝春或宗夏或覲秋或遇冬。各殊禮異更遞而徧。朝猶朝也。欲其來之早。宗尊也。欲其尊王。覲之言勤也。欲其勤王之。事遇偶也。欲其若不期而偶至。時見者言無常期。諸侯有不順服者。王將有征討之事。則既朝覲。王為壇於國外。合諸侯而命事焉。春秋傳曰。有事而會。不協而盟。是也。殷猶眾也。十二歲。王如不巡守。則六服盡朝。朝禮既畢。王亦為壇。合諸侯以命政焉。所命之政。如王巡守。殷見四方。四時分來。終歲則徧。○曰朝直遙反。遞音弟。猶朝張。遙反。

時聘曰問。殷頰曰視。

以軍禮同邦國

時聘者亦無常期。天子有事乃聘之焉。竟外之臣既非朝歲不敢瀆為小禮。殷覲謂一服朝之歲。以朝者少。諸侯乃使卿以大禮眾聘焉。一服朝在元年七年十一年。○覲他平反。竟音境。

同謂威其不協。僭差者軍禮之別有五。

大師之禮。用眾也。

用其義勇。

大均之禮。恤眾也。

均其地。政地守地。職之賦。所以憂民。

大田之禮。簡眾也。

甸禮

卷六 宗伯禮官之職

四

宗伯禮官之職

古者因田習兵
閱其車徒之數

大役之禮任衆也。

築官邑所以
事民力強弱

大封之禮合衆也。

正封疆溝塗之固
所以合聚其民

以嘉禮親萬民。

嘉善也所以因人心所善者
而爲之制嘉禮之別有六

以飲食之禮親宗族兄弟。

親者使之相親人君有食宗族飲酒之禮所以親之也文王世子曰族食世降一等大傳曰繫之以姓而弗別綴之以食而弗

殊百世而昏姻不通者
周道然也○別彼列反

以昏冠之禮親成男女。

親其恩成其性
○冠古亂反

以賓射之禮親故舊朋友。

射禮雖王亦立賓主也王之故舊朋友爲世子時共在學者天子亦有友諸侯之義武王誓曰我友邦冢君是也司寇職有議故之辟議賓之辟

以饗燕之禮親四方之賓客。

賓客謂
朝聘者

以賑膳之禮親兄弟之國。

周禮

宗伯禮官之職

五

永懷堂

以賀慶之禮親異姓之國

異姓王昏姻甥舅

以九儀之命正邦國之位

每命異儀貴賤之位乃正春秋傳曰各位不同禮亦異數

壹命受職

始見命為正吏謂列國之士於子男為大夫王之下士亦一命鄭司農云受職治職事

再命受服

鄭司農云受服受祭衣服為上士玄謂此受玄冕之服列國之大夫再命於子男為卿卿大夫自玄冕而下如孤之服王之中

士非再命則爵弁服

三命受位

鄭司農云受下大夫之位玄謂此列國之卿始有列位於王為王之臣也王之上士亦三命

四命受器

鄭司農云受祭器為上大夫玄謂此公之孤始得有祭器者也禮運曰大夫具官祭器不假聲樂皆具非禮也王之下大夫亦

命

五命賜則

鄭司農云則者法也出為子男玄謂則地未成國之名王之下大夫四命出封加一等五命賜之以方百里二百里之地者方三百里以上為成國王莽時以二十五成為則方五十里合今俗說子男之地獨劉子駿等識古有此制焉

六命賜官

鄭司農云子男入為卿治一官也玄謂此王六命之卿賜官者使自置其臣治家邑如諸侯春秋襄十八年冬晉侯以諸侯國齊荀偃為君禱河既陳齊侯之罪而曰曾臣彪將率諸侯以討焉其官臣偃實先後之○先悉薦反後胡豆反

七命賜國

王之卿六命出封加一等者鄭司農云出就侯伯之國大夫謂出公之國故爵亦大夫

八命作牧

謂侯伯有功德者加命得專征伐於諸侯鄭司農云一州之牧王之三公亦八命

九命作伯

上公有功德者加命為二伯得征五侯九伯者鄭司農云長諸侯為方伯

以玉作六瑞以等邦國

等猶齊等也

王執鎮圭

鎮安也所以安四方鎮圭者蓋以四鎮之山為瑑飾圭長尺有二寸

公執桓圭

公二王之後及王之上公雙植謂之桓桓宮室之象所以安其上也桓圭蓋亦以桓為瑑飾圭長九寸

侯執信圭伯執躬圭

信當為身聲之誤也身圭躬圭蓋皆象以人形為瑑飾文有龍繡耳欲其慎行以保身圭皆長七寸○信音身行下孟反

子執穀璧男執蒲璧

周禮

卷六

宗伯禮官之職

七

宗伯禮官之職

穀所以養人，蒲為席，所以安人，二玉蓋，或以穀為飾，或以蒲為瑑，飾璧皆徑五寸，不執圭者，未成國也。

以禽作六摯，以等諸臣。

摯之言至，所執以自致。摯本或作贊。

孤執皮帛，卿執羔，大夫執雁，士執雉，庶人執鶩，工商執雞。

皮帛者，束帛而表以皮為之，飾皮，虎豹皮，帛如今壁色，繪也，羔小羊，取其羣而不失其類，鴈取其候時而行，雉取其守介而死，不失其節，鶩取其不飛遷，雞取其守時而動，曲禮曰：飾羔鴈者，以績謂衣之以布，而又畫之者，自雉以下，執之無飾，士相見之禮，卿大夫飾摯以布，不言績，此諸侯之臣與天子之臣異也，然則天子之孤，飾摯以虎皮，公之孤，飾摯以豹皮，與此孤卿大夫士之摯，皆以爵，不以命數，凡摯無庭實。衣於既反。

以玉作六器，以禮天地四方。

禮謂始告神時，薦於神坐，書曰：周公植璧秉圭是也。

以蒼璧禮天，以黃琮禮地，以青圭禮東方，以赤璋禮南方，以白琥

禮西方，以玄黃禮北方。

此禮天以冬至，謂天皇大帝在北極者也，禮地以夏至，謂神在崑崙者也，禮東方以立春，謂蒼精之帝，而太昊句芒食焉，禮南方以立夏，謂赤精之帝，而炎帝祝融食焉，禮西方以立秋，謂白精之帝，而少昊蓐收食焉，禮北方以立冬，謂黑精之帝，而顓頊玄冥食焉，禮神者必象其類，璧圍象天，琮八方象地，圭鏡象春物，初生，半圭曰璋，象夏物，半死，琥猛象秋，嚴半璧曰璜，象冬閉藏，地上無物，唯天半見。崑音倫。

皆有牲幣，各放其器之色。

幣以從爵，若人飲酒，有酬幣。放方往反。

以天產作陰德。以中禮防之。以地產作陽德。以和樂防之。

鄭司農云。陰德。謂男女之情。天性生而自然者。過時則奔隨。先時則血氣未定。聖人為制其中。令民三十而娶。女二十而嫁。以防其淫泆。令無失德。情性隱而不露。故謂之陰德。陽德。謂分地科以致富。富者之失。不驕奢則吝嗇。故以和樂防之。樂所以滌蕩邪穢。道人之正性者也。一說。地產謂土地之性。各異。若齊性舒緩。楚性急悍。則以和樂防其失。令無失德。樂所以移風易俗者也。此皆露見於外。故謂之陽德。陽德。陰德不失其正。則民和而物各得其理。故曰。以諸萬民。以致百物。玄謂天產者。動物。謂六牲之屬。地產者。植物。謂九穀之屬。陰德。陰氣在人者。陰氣虛純之則劣。故食動物。作之使動。過則傷性。制中禮以節之。陽德。陽氣在人者。陽氣盈純之則躁。故食植物。作之使靜。過則傷性。制和樂以節之。如是。然後陰陽平。情性和。而能育其類。○為制于偽反。令力呈反。

以禮樂合天地之化。百物之產。以事鬼神。以諧萬民。以致百物。

禮濟虛。樂損盈。並行則四者乃得其和。能生非類。曰化。主其種曰產。

凡祀大神。享大鬼。祭大示。帥執事而卜。日宿。眠滌濯。涖玉鬯。省牲。鑊奉玉盃。詔大號。治其大禮。詔相王之。大禮。

報事諸有事於祭者。宿中戒也。滌濯。漸祭器也。玉。禮神之玉也。始涖之。祭又奉之。鑊。烹牲器也。大號。六號之大者。以詔大祝。以為祝辭。治。猶簡習也。豫。簡習大禮。至祭當以詔相王。羣臣禮為小禮。故書涖。作立。鄭司農讀為涖。涖。視也。○鑊。戶郭反。盃。音咨。詔。相息亮反。後詔。相皆放。此。既古愛反。亨。普庚反。

若王不與祭祀。則攝位。

王有故。代行其祭事。○與。音預。

凡大祭祀。王后不與。則攝而薦豆。籩徹。

周禮

卷六 宗伯禮官之職

七

永懷堂

薦徹豆籩
王后之事

大賓客則攝而載果。

載為也。果讀為裸。代王裸賓客以饗。君無酌臣之禮。言為者。攝酌獻耳。拜送則王也。鄭司農云。王不親為主。

朝覲會同則為上相。大喪亦如之。王哭諸侯亦如之。

相。詔王禮也。出接賓曰。擯入詔禮曰。相。相者五人。卿為上。擯。大喪。王后及世子也。哭諸侯者。謂薨於國為位而哭之。檀弓曰。天子之哭諸侯也。爵弁經紵衣。紵側其反。

王命諸侯則償。

償。進之也。王將出命。假祖廟立依前南鄉。償者。進當命者。延之命。使登內史。由王右以策命之。降再拜稽首。登受策以出。此其畧也。諸侯爵祿其良。則於祭焉。○假音格。依於豈反。鄉許亮反。

國有大故則旅上帝及四望。

故。謂凶。旅。陳也。陳其祭事以祈焉。禮不如祀之備也。上帝。五帝也。鄭司農云。四望。日月星海。玄謂四望。五嶽。四鎮。四瀆。

王大封則先告后土。

后土。土神也。黎所食者。

乃頒祀于邦國都家鄉邑。

頒。讀為班。班其所當祀及其禮。都家之鄉邑。謂王子弟及公卿大夫所食采地。

周禮卷十八 終

周禮

卷六

宗伯禮官之職

二十

示慎堂

周禮卷十九

宗伯之職掌建國之神位。右社稷。左宗廟。
庫門內雉門外之左右。故書位作立。鄭司農云。立讀為位。古者立位同字。古文春秋經公即位為公即位。

周禮卷十九

漢大司農北海鄭玄註
皇明後學東吳金蟠訂

宗伯禮官之職

小宗伯之職掌建國之神位。右社稷。左宗廟。

庫門內雉門外之左右。故書位作立。鄭司農云。立讀為位。古者立位同字。古文春秋經公即位為公即位。

垂五帝於四郊。四望四類亦如之。

兆為壇之營域。五帝蒼曰靈威仰。大昊食焉。赤曰赤熛怒。炎帝食焉。黃曰含樞紐。黃帝食焉。白曰白招拒。少昊食焉。黑曰汁光紀。顓頊食焉。黃帝亦於南郊。鄭司農云。四望。道氣出入。四類。三皇五帝九皇六十四民咸祀之。玄謂四望。五嶽。四鎮。四寶。四類。

周禮

卷十九 宗伯禮官之職

承讓堂

日月星辰運行無常以氣類為之位兆日於東郊月與風師於西郊兆司中司命於南郊兆雨師於北郊○汧子集反

兆山川丘陵墳衍各因其方

順其所在

掌五禮之禁令與其等用

用等牲器尊卑之差鄭司農云五禮吉凶軍賓嘉

辨廟祧之昭穆

祧遷主所藏之廟自始祖之後父曰昭子曰穆

辨吉凶之五服車旗宮室之禁

五服王及公卿大夫士之服

掌三族之別以辨親疏其正室皆謂之門子掌其政令

三族謂父子孫人道之正名喪服小記曰親親以三為五以五為九正室適子也將代父當門者也政令謂役守之事○適丁

歷反

毛六牲辨其名物而頒之于五官使其奉之

毛擇毛也鄭司農云司徒主牛宗伯主雞司馬主馬及羊司寇主犬司空主豕

辨六齋之名物與其用使六官之人共奉之

齋讀為粢六粢謂六穀黍稷稻粱麥苽○苽音孤

辨六彝之名物以待果將

六彝雞彝鳥彝犀彝黃彝虎彝蜼彝果讀為祿○犀音假又音嫁蜼音誅

辨六尊之名物以待祭祀賓客。

待者有事則給之。鄭司農云：六尊，獻尊、象尊、壺尊、著尊、大尊、山尊。○獻，素何反。著，直畧反。大，音泰。

掌衣服車旗宮室之賞賜。

王以賞賜有功者。書曰：車服以庸。

掌四時祭祀之序事與其禮。

序事，卜日省牲視滌濯。饗饔之事，次序之時。

若國大貞則奉玉帛以詔號。

號，神號、幣號。鄭司農云：大貞，謂卜立君、卜大封。

大祭祀省牲，眡滌濯。祭之日，逆盥省鑊，告時于王，告備于王。

凡祭祀賓客以時將瓚裸。

逆盥，受饗人之盛以入。省鑊，視亨腥孰時。薦陳之晚早備，謂饌具。○鑊，冒志反。亨，普庚反。

詔相祭祀之小禮，凡大禮佐大宗伯。

將，送也。猶奉也。祭祀以時奉而授王，賓客以時奉而授宗伯。天子圭瓚，諸侯璋瓚。

賜卿大夫士爵則儉。

賜，猶命也。儉之，如命諸侯之儀。春秋文元年，天王使毛伯來錫，公命，傳曰：錫者何？賜也。命者何？加我服也。

小祭祀掌事，如大宗伯之禮。大賓客受其將幣之齋。

謂所齋來貢獻之財物。○齋，子弓反。

周禮

卷九

宗伯禮官之職

三

永懷堂

若大師則帥有司而立軍社奉主車。

有司大祝也。王出軍必先有事於社及遷廟而以其主行。社主曰軍社。遷主曰祖。春秋傳曰：軍行祓社。鼙鼓祝奉以從。曾子問曰：天子巡守以遷廟主行，載于齊車，言必有尊也。書曰：用命賞于祖，不用命戮于社。社之主，蓋用石為之，奉謂將行。○祓，乎物反。從才用反。齊車側皆反。

若軍將有事則與祭有司將事于四望。

軍將有事將與敵合戰也。鄭司農云：則與祭謂軍祭表禡軍社之屬。小宗伯與其祭事，玄謂與祭有司謂大祝之屬。蓋司馬之官實典焉。○與音預。

若大甸則卽有司而饁獸于郊遂頒禽。

甸讀曰田。有司大司馬之屬。饁，饋也。以禽饋四方之神於郊。郊有群臣之兆。頒禽謂以予羣臣。詩傳曰：禽雖多擇取三十焉。其

餘以予大夫士以習射於澤宮而分之。○饁于輒反。

大禘及執事禱祠于上下神示。

執事大祝及男巫女巫也。求福曰禱。得求曰祠。謠曰禱爾于上下神祇。鄭司農云：小宗伯與執事共禱祠。○謠音誅。

王崩大肆以秬鬯泚。

鄭司農云：大肆大浴也。杜子春讀泚為泚以秬鬯浴尸。玄謂大肆始陳中伸之。○泚亡婢反。

及執事涖大斂小斂帥異族而佐。

執事大祝之屬。涖臨也。親斂者及事官之屬為之。喪大記曰：小斂衣十九稱。君大夫士一也。大斂君百稱。大夫五十稱。士三十稱。異族佐斂。疏者可以相助。

縣衰冠之式于路門之外。

周禮

卷九 宗伯禮官之職

四

承慶堂

制色宜齊同。○縣音玄衰七雷反。

及執事既葬獻器遂哭之。

執事蓋梓匠之屬至將葬獻明器之材又獻素獻成皆於殯門外王不親哭有官代之。

卜葬兆甫窆亦如之。

兆墓塋域甫始也鄭大夫讀窆皆為穿杜子春讀窆為毳皆謂葬穿墳也今南陽各穿地為窆聲如腐脆之昧○窆昌緝反杜昌銳反脆七歲反辟音卒

既葬詔相喪祭之禮。

喪祭虞祔也檀弓曰葬日虞弗忍一日離也是日也以虞易奠卒哭日成事是日也以吉祭易喪祭明日祔于祖父

成葬而祭墓為位。

成葬丘已封也天子之冢蓋不一日而畢位壇位也先祖形體託於此地祀其神以安之冢人職曰大喪既有日請度甫窆遂為之

凡王之會同軍旅甸役之禱祠肄儀為位。

肄習也故書肄為肆儀為義杜子春讀肆當為肄義為儀若今時肄司徒府也小宗伯主其位○肄以志反李似二反

國有禍災則亦如之。

謂有所禱祈

凡天地之大裁類社稷宗廟則為位。

禱祈禮輕類者依其正禮而為之

凡國之大禮佐大宗伯凡小禮掌事如大宗伯之儀。

周禮

宗伯禮官之職

五

永懷堂

肆師之職掌立國祀之禮以佐大宗伯

佐助也

立大祀用玉帛牲牲立次祀用牲幣立小祀用牲

鄭司農云大祀天地次祀日月星辰小祀司命已下玄謂大祀又有宗廟次祀又有社稷五祀五嶽小祀又有司中風師雨師山川百物

以歲時序其祭祀及其祈珥

序第次其先後大小故書祈為幾杜子春讀幾當為祈珥當為珥玄謂祈當為進禋之禋珥當為珥禋珥者禋禮之事雜記曰成廟則釁之雍人舉羊升屋自中中屋南面封羊血流于前乃降門夾室皆用雞其珥皆於屋下割雞門當門夾室中室然則是禋謂羊血也小子職曰掌珥于社稷祈于五祀是也亦謂其宮兆始成時也春秋僖十九年夏邾人執郈子用之傳曰用之

者何蓋叩其鼻以珥社也○珥而志反注珥同封苦圭反

大祭祀展犧牲繫于牢頒于職人

展省閱也職讀為職職可以繫牲者此職人謂充人及監門人○職劉之弋反戚音弋注職同監古銜反

凡祭祀之卜日宿為期詔相其禮眡滌濯亦如之

宿先卜祭之夕

祭之日表齋盛告潔展器陳告備及果築馨相治小禮誅其慢怠者

案六穀也在器曰盛陳陳列也果築馨者所築馨以裸也故書表為剽剽表皆謂徽識也鄭司農云築煮築香草煮以為鬯○果古亂反下同鬻音煮相息亮反識式志反

掌兆中廟中之禁令

兆壇、塋域

凡祭祀禮成則告事畢。大賓客泣筵几築鬻。

此王所以禮賓客

贊果將

酌鬱鬯授大宗伯載裸

大朝覲佐饋

為承饋

共設匪饗之禮

設於賓客之館。公食大夫禮曰。若不親食使大夫以侑幣致之。豆實實于簠。盞實實于篚。匪其篚字之誤。與禮不親饗則以酬幣致之。或者匪以致饗。○食音嗣。

饗食授祭

授賓祭肺

與祝侯禳于壘及郊

侯禳。小祝職也。壘。五百里遠郊。百里。近郊。五十里。

大喪大湔以鬯則築鬻

築香草。煮以為鬯。以浴尸。香草。鬱也。

令外內命婦序哭

周禮

宗伯禮官之職

七

宗伯禮官之職

序使相
次秩

禁外內命男女之衰不中灋者且授之杖

外命男六鄉以出也內命男朝廷卿大夫士也其妻為外命女喪服為夫之君齊衰不杖內命女王之三夫人以下不中灋違升數與裁制者鄭司農云三日授子杖五日授大夫杖七日授士杖此舊說也喪大記曰君之喪三日子夫人杖五日既殯授大夫世婦杖無七日授士杖文玄謂授杖日數王喪依諸侯與七日授士杖四制云○衰七雷反中丁仲反為夫于僞反下為取

凡師甸用牲于社宗則為位

社軍社也宗遷主也尚書傳曰王升舟入水鼓鐘亞觀臺亞將舟亞宗廟亞故書位為涖杜子春云涖當為位書亦或為位宗謂宗廟○甸音田

類造上帝封于大神祭兵于山川亦如之

造猶即也為兆以類禮即祭上帝也類禮依郊祀而為之者封謂壇也大神社及方嶽也山川蓋軍之所依止大傳曰牧之野武王之大事也既事而退柴於上帝祈于社設奠於牧室○造七報反

凡師不功則助牽主車

助助大司馬也故書功為王鄭司農工讀為功古者工與功同字謂師無功肆師助牽之恐為敵所得

凡四時之大甸獵祭表貉則為位

貉師祭也貉讀為十百之百於所立表之處為師祭造軍法者禱氣勢之增倍也其神蓋蚩蚩或曰黃帝○貉音陌蚩音尤

嘗之日涖下來歲之芟

芟芟草除田也古之始耕者除田種穀嘗者嘗新穀此芟之功也卜者問後歲宜芟不詩云載芟載柞其耕澤澤○芟色銜反

周禮

卷九

宗伯禮官之職

八

宗廟堂

作側
百反

獮之日。泄下來歲之戒。

秋田為獮始習兵戒不虞也卜者問後歲兵寇之備○獮思淺反

社之日。泄下來歲之稼。

社祭土為取財焉卜者問後歲稼所宜

若國有大故則令國人祭。

大故謂水旱凶荒所令祭者社及祭醮○祭音詠醮音蒲又音步

歲時之祭祀亦如之。

月令仲春命民社此其一隅

凡卿大夫之喪相其禮。

相其適子

凡國之大事治其禮儀以佐宗伯。

治謂如今每事著更奏白王禮也故書儀為義鄭司農云義讀為儀古者書儀但為義今時所謂義為誼

凡國之小事治其禮儀而掌其事如宗伯之禮。

鬱人掌裸器。

裸器謂彝及舟與瓚

凡祭祀賓客之裸事和鬱鬯以實彝而陳之。

築鬱金煮之以和鬯酒鄭司農云鬱草名十葉為貫百二十貫為築以煮之鑊中停於祭前鬱為草若蘭○鑊子遙反

同登

卷九 宗伯禮官之職

乙

禮記

凡裸玉濯之陳之以贊裸事。

裸玉謂圭璋瑋璜。

詔裸將之儀與其節。

節謂王奉玉送裸早晏之時。

凡裸事沃盥。

大喪之涖共其肆器。

肆器陳尸之器喪大記曰君設大盤造冰焉大夫設夷盤造冰焉士併瓦盤無冰設牀禮第有枕此之謂肆器天子亦用夷盤○造七報反併薄冷反禮章善反第側几反

及葬共其裸器遂狸之。

大祭祀與量人受舉畢之卒爵而飲之。

造奠之彝與瓚也狸之於祖廟階間明奠終於此○狸亡皆反

畢受福之嘏聲之誤也王酌尸尸嘏王此其卒爵也小牢饋食禮主人受嘏詩懷之卒爵執爵以興出宰夫以邊受嗇黍主人嘗之乃還獻祝此鬱人受王之卒爵亦王出房時也必與量人者鬱人贊裸尸量人制從獻之脯籩事相成○畢古雅反嘏古雅反酌候吝反又音亂籩音煩

鬯人掌共秬鬯而飾之。

秬鬯不和鬱者飾之謂設巾

凡祭祀社壇用大鬯。

鬯謂委土為壇壇所以祭也太鬯瓦鬯○壇音善

祭門用瓢齋

祭謂管鄴所祭門國門也春秋傳曰日月星辰之神則雪霜風雨之不時於是乎祭之山川之神則水旱疫癘之不特於是乎祭之魯莊二十五年秋大水鼓用牲于門故書瓢作剽鄭司農讀剽為瓢杜子春讀齋為齋瓢謂瓢蠶也齋盛也玄謂齋讀為齊取其瓢割去抵以齊為尊○祭音詠齋在兮反鄴作管反蠶力兮反去起呂反抵音帝

廟用修凡山川四方用蜃凡裸事用概凡禘事用散

裸當為理字之誤也故書蜃或為謨杜子春云謨當為蜃書亦或為蜃蜃水中蜃也鄭司農云脩謨概散皆器名玄謂廟用脩者謂始禘時自饋食始脩蜃概散皆漆尊也脩讀曰卣卣中尊謂獻象之屬尊者彝為上彝為下蜃畫為蜃形蚌曰合漿尊之象概尊以朱帶者無飾曰散○脩音卣羊久反又音由中罇也禘乎逼反散素旱反獻素何反蚌步項反曰合音含

大喪之大泲設斗其其鬯

斗所以沃尸也鬯尸以鬯酒使之香美者鄭司農云鬯讀為微

凡王之齊事其其秬鬯

給泮浴○泮七內反

凡王弔臨其介鬯

以尊適卑曰臨春秋傳曰照臨幣邑鄭司農云鬯香草王行弔喪被之故曰介玄謂曲禮曰摯天子鬯王至尊介為執致之以禮於鬼神與檀弓曰臨諸侯畛於鬼神曰有天王其父此王適四方舍諸侯祖廟祝告其神之辭介於是進鬯○為執于偽反與音餘父音甫

周禮卷十九終

周禮

宗伯禮官之職

二

又禮

